

JOH. ERNESTI SCHAPERI,
Med. Dr. ejusque Prof. Publ. Duc. Prim. & Ord. Fac. Senioris
& Smi Ducis Regentis Meclenburgici Consiliarii
Aulici, & Archiatri, h. ACADEMIÆ ROSTOCHIENSIS

PRO-RECTORIS
DISSERTATIO EPISTOLICA

AD
VIRUM PER-ILLUSTREM ET EXCELLENTISSIMUM,

**DN. GODFRIDUM
GUILLIELMUM
de LEIBNIZ,**

SACRÆ CÆSARÆ MAJESTATIS CONSILIARIUM
AULICUM, SERENISSIMI AC POTENTISSIMI ELECTORIS BRUN-
SVICENSIS CONSILIARIUM INTIMUM, ET REGIÆ PRUS-
SICÆ SCIENTIARUM SOCIETATIS PRÆSIDEM,
POLYHISTOREM CONSUMMATISSIMUM,

DE
**HYDROPTHALMIA
INTERCEPTA,**

QVAM
DISPUTATIONIS PUBLICÆ LOCO,

AUTOR

AD DIEM XVI. AUGUSTI AN. MDCCXIII.

PROPONIT

IN AUDITORIO MAJORI

RESPONDENTE

JOH. LUDOVICO SCHAPERO, Lufato.

ROSTOCHII, Typis JOH. WEPPLINGII, SER. PRINC. ET UNIV. TYPOGR.

JOH. ERNSTI SCHAEFER

ANTHONY
INTERCEPTA

❁(3)❁

Vir Per-Illustris & Excellentissime,
DNE. FAUTOR Colendissime,



Biennium est, & qvod

excurrit, ubi singulari occasione
id felicitatis mihi contigit, ut Be-
rolinicum ad SERENISSIMI AC
POTENTISSIMI PRUSSIAE RE-
GIS jam gloriosissimæ memoriæ
mandatum clementissimum illic
ob SERENISSIMÆ AC POTEN-

TISSIMÆ REGINÆ jam proh! VIDUÆ morbum com-
morarer, ego eodem exceptus hospitio utriusque no-
strum habitaculum proximâ vicinitate gauderet, quâ
desiderii mei jam dudum impensi ex voto compos he-
bam, ut qui Te ob singularem eruditionis omni-
genæ profundissimæ famam & scripta ejusdem eruditi-
onis celeberrima ad superstitionem penè, sed tacito ha-
ctenus animi assensu veneratus eram, jam coram con-
testari meam Venerationem, & in Tuum Favorem &
amicitiam recipi, ac Tuorum numero tuis tam huma-
nissimis verborum lenociniis adscribi, ac suavissimâ
conversatone Tuâ multiplici honorari possem. Diffiteri

A 2

hinc

hinc nequeo, ex quo VIR PER-ILLUSTRIS amicitiae & favoris tui fores mihi tam humanissime aperuisti, ex eò memoriâ humanitatis & singularis tuæ in me benevolentiae animum sustentavi, quæ eam in me excitavit fiduciam, ut Literis hisce TE affari in animum non tantum induxerim, sed tacitam hætenus Tui Venerationem nunc apertâ hujus Dissertationis Epistolaris transmissione simul contester, potissimum cum Tuo VIR PER-ILLUSTRIS, inclytæ scientiarum Regiæ societatis Prussicæ Præsidio illustri, cui & ego solenni diplomate per annos duodecim Tuo suffragio annumeratus ad id institutum excitatus sim. Nam cum variò sub nostrò colloquio, quò varia rerum variarum & Physica & Medica misceremus, & ego casum recenserem medicum, qui in cujusdam contigit oculo ad hydrophthalmiam properans, nisi maturè fuisset intercepta, & casus & circumstantiæ intercurrentes tuum obtinebant assensum, & observationem hanc eruditorum notitiâ dignam judicabas; Nec defuissem huic tuo prudenti consilio, nisi negotiis cumulatis partim impeditus fuisset, partim etiam ut rei factæ ulterius temporis concederem spatium, quò numerosiori añorum decursu eò major factæ felicissimæ restitutionis securitas probari simul posset, siquidem quinquennium jam ferè præterlapsum est, ubi nulla factæ operationis secuta est mutatio, sed restitutio & ulterioris mali progressus inhibitio per Dei gratiam adhuc dum sine vitæ læsione constans est, ut nullus dubitem, fore oculum restitutum ab ulteriori mutatione s. recidivâ liberum.

Ea propter hodiè meum institutum exequor, & illud Tibi Societatis scientiarum Regiæ PRÆSIDI PER-ILLUSTRI, & eruditorum facile Principi, qui omni-

omnino inter eruditorum lumina publico suffragio
positus es, debite consecro, & quanquam diffiteri ne-
queam, vix tantum Tibi otii superesse à negotiis & cu-
riae & aulae & aliis gravioribus publicis, ut his vacare
studiis queas, ast cum & post Reipublicae & aliorum
negotiorum non minorum curas, & ad haec studia &
Physica & Medica Te secessisse aut non infrugiferum,
aut non ingratum habeas, quorum jam plura illustria
eruditissimis ejusmodi scriptis dedisti experimenta.,
quae ex merito admiramur, & jam dudum hinc Poly-
historis consummatissimi titulum optimum Tibi com-
pararunt, nec aliter porro Exteri Te venerati sunt.,
& adhuc venerantur, cum meritis tuis inter eruditos pla-
ne singularibus excelsis & illustri loco positis hoc nostro
orbe faciem eruditae praefers, & eruditionis inexplebili
famam omnes eruditos Te admirandi & venerandi
cupidine accendis, me pariter ita accendisti, ut
sine ulteriori excusatione ad ipsam rem me accin-
gam, & casum eruditae communicandum hodie ape-
riam.

Nimirum, ut jam superius dixi, quinquennium
ferè jam est absolutum, ubi die scilicet 10 octobris Anni
1708. me conveniebant Parentes Virginis Filiae è gene-
rosâ antiquâ Prosapia ori in Ducatu Meclenburgico
videntes, & simul Filiae dictae enatum in oculo ejus
dextro praeternaturale mihi ostendebant, cumque ad
aspectum ejus inquirerem, quamdiu & quâ occasio-
ne illud esset enatum; & Parentes & Filia, quae ad matu-
ram jam aetatem pervenerat, recensiebant, tuber-
culum illud sensim sine omni praecedanea violentâ cau-
sâ enatum esse, nisi quod opthalmi iam sat gravi laborave-
rit, & initio capituli aciculae majoris magnitudinem re-

tulisse ; usque dum sensim & sensim auctum , jam pi-
si minoris magnitudinem referret , & ad majoris eam
properaret , hocce addito , quod variis quidem jam usi
sint consiliis & remediis , ast hactenus sine omni suc-
cessu , unde tandem & me accedentes meum implo-
rabant auxilium & Parentes & ipsa Filia.

Desiderio petentium igitur cum deesse non vale-
rem, paulo curatius enatum hocce tuberculum exami-
nabam , & illud in oculi dextri albugine propè sub
pupillâ , à cujus termino ultra straminis latitudinem ,
vix distabat , adeò prominens reperiēbam , ut palpe-
bram inferiorem non tantum protruderet, eòque ipsò
elevationem in illa oculi ipsius parte notabilem pro-
deret , sed quoties interior palpebra paululum deor-
sum trahebatur , toties supra eam elevatum tubercu-
lum depressam servabat palpebram , usque dum ma-
nus adminiculò palpebra huic tuberculo iterum obdu-
cebatur.

His circumstantiis detectis , addebantur sub exa-
mine hujus tuberculi aliæ , nimirum apparebat illud
valdè opacum , & ad levissimum & providum atta-
ctum , quo nec inde violentia metui , nec ulterior le-
qui noxa poterat , simul durum erat ad corneam ac-
cedens duritiem. Porro in mediâ oculi albugine si di-
stantia ex oculorum canthis numerabatur , ordinariò
erat reperibile , sed simul mobile , ut jam dextrorsum
jam sinistrorsum facile cederet , pariter nonnihil deor-
sum moveri posset , sursum autem illud movere non
tentabam , ne jam tum pupillæ satis vicinum in illam
non sine majori aut noxâ , aut ad minimum noxæ pe-
riculo iridi ejusque processibus ciliaribus imminenti
protruderetur. De sensu ex hujus tuberculi situ cum
etiā am

etiam inquirerem, Virgo Generosissima referebat; quod iste non dolorosus, sed expansioni factæ similis sit, Es deuchte ihr als wäre etwas im Auge ausgespannet oder ausgezehnet / nec mutabatur sub facto provido & securo tactu.

Sub hoc tuberculi statu autem & ægra & Parentes metuebant ejus augmentum insigne, cum illud quotidiè augeri, & ad pisi jam majoris magnitudinem comite sensu expansivo properare viderent, Sic Filia Virgo Generosissima & omnibus sui sexus virtutibus eminentissima ad indolem sexus sequioris consuetam, nec illaudabilem planè, suam, quam benigna natura ipsi haud infrequenter dederat formositatem, non negligens cum Parentibus de difformi contristata erat oculo & visus tanquam Dei singularis doni metuebat privationem. Ad omnia igitur sustinenda, quibus ab hōc liberari tuberculo, sicque ab omni ulteriori malo præservari posset, se offerebat ægra, imprimis cum in deterius ruere tuberculum adverteretur. Unde precibus ad desiderium pro possibili implendum commotus, evadebam magis sollicitus, & omnes impendebam curas, easque eò majores, quò magnitudo casus non urgeret alias.

Nec dubito, fore quēquā, qui casum hunc non magni aestimet, cum in parte sit tali, quam quilibet habet maximi, siquidem injurias, molestias, dolores, pericula, in quacunque corporis parte aliā citius & libentius sustinere mortales advertimus, & manuum pedumque amputationem patientius ferre, quā ut oculo privari velint, adeò, ut in persuasissimis habeam, reperiri paucissimos, ferè dixerim nullos, qui ad evitandam proclivem peccandi occasionem jussam in sacris oculi eradicationem juxta Locum *Matthæi* 18. v. 9. realiter & sic cum

um effectu admitterent, adeo ut talis casus non facile
dabilis, sed fictus mansurus sit, quocunque modo ad
meliolem studii nostri in scandalo vitando necessarij
declarationem, & sanctitatis ultra integritatem corpo-
ris æstimandæ demonstratio fieret, ut potius hinc alijs
vel dolorosissimis molestissimisque modis sui corporis
abulum, & peccandi libidinem coerceri, quàm oculi
vel unius privatione permetterent.

Nec immerito, nam adhuc sub iudice lis est, an
majus inferri damnum possit, quàm quod oculi priva-
tione infertur? Nonne enim deplorandum est infortu-
nium, cum cæcus cimмериjs continuis involutus tene-
bris objecta suæ manus tactu judicare & determinare
videtur, & quanquam quis oculis carens ad celebra-
tissimi illius cæci manus oculatas perveniret, ut co-
lores omnes & variegatos dijudicaret, major tamen si
non fides, delectamentum tamen majus est, si oculis &
colores & objecta videri possunt omnia.

Facile sic visus tanquam præ reliquis excellentior
sensus admitti potest, aut si disputari id adhuc vellet, non
infimus inter reliquos habendus est; nam oculi structu-
ra æq; admiranda est, ac organorum sensibus excitandis
reliquis inservientium ea reperitur. Hinc quoties con-
sideramus oculorum actionis celeritatem, & motus pe-
rennitatem, unâ cum vigore ac splendore verè igneo,
& attendimus ad concordem humorum triplicem di-
scordiam, dum & consistentiâ & pondere variant, & cer-
tant pelluciditate, in unum autem scopum colli mantes,
facile confitemur, eos omnem humani ingenii captum
superare, quemadmodum aquosi mira fluiditas, vitrei
singularis consistentia, & crySTALLINI miranda firmitas,
ejusque in vitreum insertio mirabilis, ut tanquam gem-

ma gemmæ inserta splendeat & omnium insuper mirifica pelluciditas & refulgentia dictorum testes omni exceptione majores sunt & singulare Dei omnipotentis probant artificium.

Hæc elegans & mirabilis oculi structura, & inde visus mirabiles effectus sine dubio Medicos commoverunt, ut & humores in eo reperibiles & potissimum vitreum & crystallinum examinarent, unde eos, quidam vel juxta pondera metiti sunt, quemadmodum hinc, *Dn. Brigs* humorem crystallinum quoad pondus, aqueum bis excedere, & crystallinum à vitreo plusquam duodecies superari dicit, in *ophthalmograph* p. 70. quidam densitatis quoque gradus examinant, quemadmodum idem citatus *Dn. Brigs* cit. loc. p. 70. asserit, quod crystallinus humorum vitreum ter, aqueum verò decies superare videatur, & *Bartholinus* hinc de extensione omnium oculi humorum referens, crystallino vitreum quintuplo majorem, & duplo majorem aqueo dicit, in *Anat. reform.* p. 619. *Leuwenhæck* ut in omnibus, ita etiam in humore crystallino & vitreo suis microscopiis eos examinando curiosus est, & hinc è circulatorum in motum contortis particulis squammosis filamentis sibi ante connexis s. fibris formatis constare humorem crystallinum non tantum dicit, sed eum æq; musculum crystallinum vocat, quasi corpus crystallinum pelliculæ è fibris motricibus constanti inclusum sit, ac vitreum humorem musculum nominat pellucidum, *Anat. rer. animat. & inanimat.* p. 50. & p. 102.

Et quanquam receptâ Anatomicorum quorundam assertionem uterque humor propriâ gaudere membranâ dicatur, quarum altera vitrea, altera crystallina dici solet, non tamen facile ea penitus si negari non debeat, ejus

consistentiæ admittetur, ut musculus dici mereatur, si-
quidem summa lentis illius cum limpidissimâ certans
aquâ pelluciditas, de fibrillis ibi reperibilibus motrici-
bus circa utrumque humorem dubitare meritò facit, ,
dum præter id, quod suâ substantiâ uterque humor non-
nisi gelatina quædam sit, sic membrana utriusque in-
credibiliter tenuis nonnisi vel sub aëris diutinâ exposi-
tione, vel exsiccatione utriusque lentâ conspicitur. Et
licet sic tenuissimis membranulis quasi per utriculo-
rum modum succingi videatur, non verò ultra aliam
analogiam, quàm quando aut in lactis, aut alterius te-
nuis pulpæ superficie membranulam enatam videmus,
extendi potest; quo ipso autem membranulam talem
ex implicitis filamentis & fibris motricibus formatam
dicere non possumus, quemadmodum hinc etiam ipse
Leuwenhæck in tali membranâ alio tempore fibras nec
agnoscere, nec earum genesin detegere potuit, ut vide-
re est cit. Lib. p. 50. Ut taceam, quod & alia ad motum
fibrarum motricium requisita desint, & præterea nec
peculiaris, nec activus adeò motus reperiatur, aut requi-
ratur, sed sufficiat, quod humor vitreus ut oculi fun-
dum replet, & ejus tunicas distentas servat, ita vicissim
â crassissimis iisdem oculi tunicis constringatur, & sic
in rotunditatem oculi sufficientem coactus æquabile
& constans crystallini humoris receptaculum consti-
tuat, cui crystallinus humor ut gemma gemmæ in-
situs manet.

Ut autem humor vitreus oculi replet fundum &
crystallini stabile constituit receptaculum, ita aqueus
humor tenuissimæ fluiditatis oculi anteriorem potissi-
mum occupat partem, & omnes simul replent oculorum
cavitatem, quæ â tunicis eos ambientibus formatur.

In præ-

Inpræsentiarum circa hujus pro visu triumvirati humoris considerationem non equidem valde sollicitus essem, nisi ob connexionem addere relationem ejus historicam necesse sit; ea propter eorum materiam quoad ortum è sanguine quidem prodiisse, & humoris aquei adhuc quotidianum inde fieri proventum, non dubitandum est, siquidem sanguis & roscidam s. gelatinosam æquè largiri potuit & largitus est materiam, quâ & crystallinus, & vitreus humor omni fundamentò constare habetur, ac serosum pro oculi cavitate replenda primò largitus est, & hodiè largitur. Sed quibus vasis horum omnium facta sit separatio, nondum adeò apodicticè est evictum, hinc quorundam doctrinâ per peculiare suppositos ductus æquè & crystallinum & vitreum, & initiò sub formatione utriusque secretum, & per eosdem utrumque servari legimus, ut aqueum humorem per ductus peculiare aquosos dictos quotidie & debitâ affluere copiâ & restitui *Nuckius* docet. E contrario apud alios & potissimum *Clariss. Brigs* in fœtu humor crystallinus primò sub formâ guttulæ roscidæ è nervo optico in oculi cavitatem (pariter ac ovum è cœco tubæ Fallopiæ ductu in uterum) delabatur, quæ à cambio nervi lentè destillanti aucta in formam humoris crystallini faceffit, postea verò succus nutritius (fœtu ferè perfectè formato) uberiori copiâ forsan ad oculi fundum devolvitur, & in vitrei humoris nutrimentum cedit, ut ita censet cit. *Dn. Brigs, in ophthalmogr. p. 70. & 71.*

Nec deficiunt hisce differentibus sententiis rationes, nam ad tale quid factum & fieri secretionem opus esse, tam certum, quàm quod certissimum est, Sic æq; gelatinosum, quò & vitreus & crystallinus humor constat, ac serosum humoris aquei substantia à sanguinis purpu-

râ secedere debet, ut secedit, hæc circumstantia militat pro instrumentis s. vasis peculiaribus secretoriis, quibus dicti & gelatinosi & serosi tum colatura fit, tum cavitatem oculi deducitur, ut hinc non mirandum sit, si pro iis reperiatur sententia. Sed quomodo ista ex arteriis formata sint, ut esse debent, adhuc sub iudice lis est, & sub eâ lite nova ex eô emergit difficultas, quod si secretorii ductus pro humore vitreo & crystallino adessent peculiare, ut ejus generis similes aliis prospiciunt partibus, & porrò omni momento suô defunguntur munere, idem hic & fieri & reperiri deberet. Hôc autem suppositô sic utriusque humoris dicti augmentum quotidianum esset, & partim oculorum deformis metuenda esset expansio, & partim sub illo vel paucissimo & quidem sub unius tantum guttulæ copiâ affluxu novi gelatinosi s. roscidi ad utrumque humorem turba in visu non levis induceretur, eôusque ad minimum durans, quòusque novitia gutta pristinis intimè ac ordine debito unitis nondum intimè unita esset. Sed dum crescunt seu expanduntur oculi cum auctâ ætate ad maturam usque eam cum humorum proportionem geometricâ juxta eorum auctam cavitatem, sine visus ullâ nec minimâ turbâ, utriusque ulterior appositio ad minimum dubia est, si negari non debet.

Et hæc circumstantia etiam *Dni. Brigs* sententiæ difficultatem parere videtur. Si quidem ut ut aliâs id non impossibile haberi queat, quod è nervo optico in fœtu humor crystallinus primò sub formâ guttæ roscidæ in cavitatem delapsus, & ea prima in crystallini & succedentes plures guttæ in vitrei humoris formam facerit, nam dum fœtus cerebrum è limpidissimâ primum, ex quâ constat aquâ, in fluidum coagulum abit,

Juxta

juxta *Harvai Obs. de Generas. animal, Exercit. 56. p. 237.* & inde in paulo solidiorem scil. glutinosam substantiam, sensim mutatur, & ea variè reflexa in varios pororum meandros formata, nervorum variorum fibras & ipsos nervos, & sic pariter nervorum opticorum thalamos format; facile sic est, ut sub nervorum opticorum pro tunicæ retinæ formatione & roscidi seu gelatinosi quicquam in oculi cavitatem depluat, idque eò facilius, cum nervi optici non in majora abierint vasa, sed totidem à se invicem diversæ manserint fibræ, per quarum interstitia ante obtentam firmitatem necessariam & inductum nervis corticem utrumque satis firmum, sic roscidæ guttæ pro humoris crySTALLINI & vitrei existentia, primò elabi possunt. Cum autem succus nervi nutritius ad vitrei potissimum nutrimentum requiri debeat, de cujus tamen existentia adhuc disputatur, & ille si daretur, & à primâ in adultam ætatem adesse & per nervum opticum pro vitrei humoris nutrimento affluere deberet, ad minimum notabilem, si non quid aliud adhuc, visus turbam induceret, & insuper periculum non inane oriretur, annon hicce succus nervi nutritius amaurosis causa frequentior esset, quàm ut in nutrimentum vitrei abiret, siquidem iste nec aliter quàm tardi motus concipi potest, ut hinc lentè destillari ab ipso *Dn. Brigs* asseratur, unde facilitate si non majori, pari tamen & eâdem in nervis opticis pro inevitabili amaurosis effectû hæreretur, quâ pro nutrimento vitrei humoris ad ejus superficiem sine ullâ insuper visus turbâ destillaret.

Hæc si ponderentur facile scrupulum movere possent, ut de augmento humoris crySTALLINI & vitrei semel formati, aut per ductus peculiare, aut per nervos opti-

cos adductō meritō dubitetur, & quanquam pro replendā per ætatem ad maturam eam propèrantem oculorum majori cavitae non modo id necessarium videatur, sed habendum sit, probabilius tamen salvā aliorum sententiā, videtur, non per affluens novum roscidum & eidem succedaneam appositionem summē aliās necessariam ejus augmentum fieri, sed quod humores crySTALLINUS scil. & vitreus, postquam sub foetu maturo uterque suum nactus est ortum, per expansionem humoris potissimum vitrei juxta numerum ætatis lentam à spiritibus animalibus ut inceptam, sic quoque sustentatam, majores fiant. Et id illustrent circumstantiæ simul hic reperibiles aliæ, siquidem ut spiritus animales omnibus & circulantibus & per colatoria secedaneis humoribus se insinuant, ita nulla disparitatis ratio est, cur nec circa humores & vitreum & crySTALLINUM idem fieri posset, ubi nervi optici tanquam canales spirituum non tantum proximi sunt, sed & eorum capillamentorum copiosorum in tunicam retinam facta expansio vicinitate copiam spirituum largiuntur, & si uterque horum nervorum cortex aut integumentum duplicatum consideretur, nonnisi cum nerveæ texturæ sit, dum piâ matre uvea, & durâ matre cornea formata conspicitur, si nec istæ largiantur spiritus, tamen non impediunt spirituum præsentiam, sic cum undique præsentibus spiritibus sint, suum quoque sortiuntur spiritus effectum, & proportionatum & necessarium.

Et quanquam spiritus animales, qui ordinario motus non facilis modo, sed & celerrimi sint, vitrei & crySTALLINI gelatinæ angulis & hamis in motu suō consueto sic retardari debeant, & retardentur, non tamen prorsus impediri uterque potest, sed temperatur,

tur, quod necessarium est, unde quamdiu aliqualem uterque humor molliem servat talem, ut ut eâ scil. cedendo spirituum consuetum motum illudat; simul tamen lentè cedendo, lentè etiam in majus expanditur spatium, donec ad naturale illud expansum pro ætatis conditione pervenerit, quæ expansio sic utriusque & crystallini & vitrei humoris à spiritibus animalibus sub auræ subtilissimæ indolis influxu eodem modò sine visus turbâ & absolvitur, & sustentatur, quemadmodum in officinis vitriariorum liquidas adhuc vitri partes antequam soliditatem ab aëre ambiente obtinent, levî aëris halitu sine lucis turbâ æquè expandi videmus. Humoris autem aquei ortum & progressum quod attinet, *celeberrimus Nuckius* peculiare ductus aquosos ipsi tribuit, & per eos illum & in cavitatem fluere, & resistui brevi spatio multis experimentis demonstrat.

Hic autem humorum oculi triumviratus suis involutus reperitur tunicis, è quarum proxima humoribus retina est, quæ nonnisi nervi optici medullaris fibrosæ substantiæ in velum retiforme expansio est, & hæ fibrillæ nervi optici manifestissimè conspiciuntur, si retina aquæ limpidissimæ nonnihil calidæ immissa, postea lumini vel soli obversa examinetur, quâ methodo juxta obs. *Brigs* se ipsam protinus expandit, & fibrillas manifestissimè distinctas prodit.

Retinæ huic immediatè succedit Choroides, hæc ab interiori nervorum opticorum cortice s. involucro piâ scil. matre producta à fundo oculi ad pupillæ locum usque protenditur, & sic antè ubi uvea dicitur perforata aperturam pro oculi pupillâ relinquit, & juxta extimam hujus tunicæ pro pupillæ aperturâ dehiscens oram duplicata est, & suô sic duplicaturæ

circu-

circulari limbô pupillam jam dilatatam jam constri-
ctam reddit, & eâdem continuatâ ex una parte proxi-
mâ per corneam transparente pupillæ iridem tanquam
latiorem annulum eumque varii coloris circumducit,
& sic ex alia parte ligamentum ciliare, & ejus processus
ciliares dictos efformat, qui ex fibris motricibus pe-
tinatim dispositis constantes, & humori incumbentes
crystallino eum pro re nata & antrorsum movent &
retrorsum versus remittunt, prout processuum ciliari-
um vel dilatatio vel constrictio fit, ut sic à quibusdam
motum branchiarum in piscibus reciprocâ quadan-
tenus æmulari habeantur.

Iridem verò oculi dum inspicimus, è triplici cir-
culô compositam nunc cœsii, nunc cœrulei, nunc ni-
gricantis advertitur coloris, à cujus colore oculi co-
lorati dicuntur, interim cum qualiscunque aliâ iridis
eminet color, semper alii interspersi cernantur, hæc lu-
cis modificatio variè observabilis à diverso processuum
ciliarium tanquam filamentorum tenuissimorum situ
dependere videtur; & quod à diversa inde eveni-
ente radiorum lucis reflexione hæc filamenta eô modô
sita radios lucis in tales colores disponant, quema-
modum id *Dn. Brigs* per analogiam cum aliis phœno-
menis factam illustrat, ubi tum sericum album per mi-
croscopium varios colores prodire notat, tum eôdem
ritu avium plumas versus suas extremitates & purissima
plantarum germina seu flosculos aliquando colores pul-
cherrimos repræsentare asserit *in f. ophthalmogr. p. 53.* An
autem iridis varius observabilis color à temperamento,
& certâ terræ plagâ dependeat, quemadmodum *celeber-
rimus Brigs in sua ophthalmogr. p. 49* iis qui præservidæ
indolis sunt, ab adustâ nimis & torridâ sanguinis parte
huc

huc copiosius adveſtâ iſdem nigram tribuit, ut in-
iis, qui intra tropicos degunt, cum interim Germa-
ni, Angli &c. Boreales terræ partes incolentes, (in qui-
bus hæc pars uveæ à debiliori calore minus excoqua-
tur) iride ut plurimum cæſiâ potiantur, ego hodiè
non determino, ſed id tantum addo, quod uvea atrò
quaſi pigmentò obducta ſit, & ab illa nigredine & ipſi-
us pupillæ dependeat apparens nigredo.

Uveam excipiens tunica, verſus ambitum ſi nu-
merus inſtituatur, eſt ſclerotica, hæc ab exteriori ner-
vorum opticorum cortice durâ ſcil. matre compacta &
firma formata totum cingit oculum, & antèrius, ubi
uveam tegit, diaphana corneæ nomen obtinet. Huic
porrò ſcleroticæ proximè annexi muſculorum ocu-
lorum tendines ſunt, & cum ex iis muſculorum tendini-
bus expanſis membrana tenuis demonſtrari poſſit inno-
minata, aliis tendinoſa membrana vocatur.

Omnes autem reſenſitæ tunicæ extimâ tanquam al-
bò involucrò includuntur tunicâ à pericranio orta, hæc
adnata ſ. conjunctiva dicta antèrius album oculi con-
ſtituit, ad regionem iridis terminata reperitur, &
arterioliſ & venuliſ copioſiſſimiſ gaudet, quæ in oph-
thalmia diſtentæ ſatiſ dilucidè conſpiciuntur, quemad-
modum & corneæ tunicæ vacula ſanguifera eſſe co-
pioſiſſima experimentiſ eſt evictum, ut inter alioſ
qvoqve celeberrimoſ Tubingenſium Conſiliariuſ &
Medicuſ *Dn. Elias Camerariuſ* ceram rubicundam ra-
mulos vaſorum corneæ ſanguiferorum plurimoſ ſe traje-
ciſſe, & in uveam qvoq; pluribuſ minutiffimiſqve ac
capillaribuſ verè ramuliſ eam tranſiſſe, ipſiuſq; nigre-
dinem egregio ſubtiliqve ſtriarum minimarum rubore

C

diſtin-

distinxisse in *S. Elect. Medic & Phys. Specim. diff. Epist. 9.*
p. 98. asserat, quemadmodum quoque sæpius jam nominatos ductus aqvolos tanquam hujus humoris canaliculos ex arteriæ carotidis internæ trunco altero antrosum per nervum opticum, quò cum cranium de novo perforat, excurrente oriundos, & corneam superius perforantes, porrò uveam & potissimum iridem aggredientes in iis, post varios eorum anfractus humorem aqveum destillare experimentis probat *clariss. Nuckius de duct. Aqvof. ocul. p. 108. & seq.*

Ex his igitur variis & humoribus & tunicis ad usque miraculum constructus oculus inservit visui, dum radii lucis ab objectis reflectentes per corneæ diaphanum & humores debitè refracti in expansam proximè ab ipsis nervis opticis retinam objectorum depingunt imagines, ad eum modum, quò per cameram obscuram rerum imagines per locum umbrosam in albo pariete opposito solent depictæ conspici, unde etiam uvea idèò nigra est, ut radii in oculum dimissi obumbrentur, vel ne juxta mentem *Renati des Cartes in f. dioptr. p. 75. §. 7.* hi ab oculi fundo eò reflexi inde reverti possint, & confusam efficiant visionem s. alter radius lucis alterius actionem turbet, vel ne juxta *Brigs* sententiam in *f. opthalmogr. p. 46.* radii in visione ab objectis lateralibus provenientes superflui concurrant, sed hoc ritu absorbeantur.

Ut autem, quamdiu omnia in oculo quoad humores humorumque situm & tunicas ritè disposita sunt, visus tamdiu integer est, ita quamprimum in quacunque ejus parte læsio sit, facilè simul visus vel turbatur, vel prorsus amittitur; probant id tot observationes quotidiè eveni-

evenientes, quot desiderari possunt. Omnes autem ut hic recensere modos nimis esset prolixum, hinc tantum hodiè attendo ad eos, qui nostro casui non prorsus alieni sunt, ubi tunicarum scil. vitio oculi & deformitas, & visus turba aut privatio inducitur, hinc enim vel à tunicâ corneâ ruptâ procidentia oculorum fiunt deformes, cum effusionis humorum periculo, quale quid recensent *Forestus obs. Lib. II. obs. 24. p. 31. & in Scholiis seq. Capivaccius Med. Pract. Lib. I. c. 33. p. 273. & Dolans Encyclop. Chir. rat. p. 175.* vel oculus è tunicis nimium tensis tandem crepat, & sic post deformem tunicarum dilatationem omnium humorum fit effusio, quod notat *Schenckius Lib. I. obs. de oculis.* Vel à tunicis intus aliquibus ruptis sive laxatis fit oculi insignis procidentia, ut *Corneel. Celsus, Trincavellius, Fabricius Hildanus, Tulpius* aliique id referunt, in quibus omnibus deformitatem ferè semper visus comitatur privatio, non tantum, quando humores effusi sunt, sed etiam quando tantum suo turbati sunt situ, quemadmodum mihi id observare contigit in Viro juvene, cum ipsi cum alio luctanti & in terram projecto oculus dexter alterius calceamento tunderetur. Et quamquam *Schenckius* referat, quod iste æger, cui juxta observationem *Lib. de ocul. p. 173.* tanta utriusque oculi facta sit procidentia, ut per eos suis cavitatibus excidentes & ad genas usque propendentes, visum inoffensum servaverit; non tamen inde in aliâ oculorum vel dilatatione, vel procidentia idem argumentari licet; quia hoc in casu oculorum humores suo situ non turbati fuere, ut refractio per eos necessaria vel planè sublata,

vel ita turbata, ut visus effectus deficeret, quamvis ob tunicarum & ipsius nervi optici elongationem confecto fuisse modo visum, probabile non sit.

Unde quoque in HYDROPTHALMIA, quæ tunicarum ex humoris aquei solito copiosiori intra oculi cavitatem affluxu facta præternaturalis dilatatio est, & cujus in *Ephem. Germ. A. N. C. dec 2. Ann 6. p. 159. obs. 70.* celeberrimus Giesensium Medicus & Professor *Valentini* ex observationibus Dn. D. *Wesem* Practici Francfortensis meminit, & quam similem quoque recenset pluribus circumstantiis *clarissimus Nuckius* in *tract. de ductibus oculorum aquosis cap. 2. p. 115. & seq.* & oculorum deformitas & visus turba, aut privatio observare contigit; hinc hydrophthalmicus Anglus nobilis objecta sensim & sensim obscura magis videre cepit, quò magis in suâ circumferentiâ quotidie extendebatur oculus, ejusque moles in tantum augebatur, ut jam altero tanto major appareret, & magna sui parte extra orbitam promineret, qui uterque effectus, ut è tali insigni hydrophthalmia ex gravi quodam ictu producta sequebatur, ita neuter defecit, cum matronæ cujusdam Hagensis honestissimæ oculi bulbus è prægressâ gravi ophthalmiâ non adeò quidem extensus, sed ejus loco tribus protuberantiis cornuum in modum oblitus conspiceretur, observante *Nuckio. cit. lib. p. 125.* quæ ad unam omnes minores redditæ sunt, cum una ex iis acus beneficio pertunderetur.

Hæc omnia recensita dum occasione hujus præsentis hydrophthalmiæ incipientis casus mecum penitus ponderabam, quàm facile alias ad usque miraculum formatus oculus lædi, & quam stupendæ læsiones

læsiones enasci, istaq; agrum & deformem & cœcū reddere possint, etiāsi consilio imminens noxa averti debeat, me eō magis tenebant sollicitum, qvō propius adveniebat hora, in qvā mentem pro dando optimo consilio meam & agra ipsa, & agræ Parentes postulabant, & qvō majorem reperiebam in ferendō desideratō auxiliō difficultatem.

Accedebat porrò considerandum, si hæc incipiens hydrophthalmia relinqueretur intacta, qvōd sic augmentum insigne captura, & ad eam perfectam æque properatura esset, quō casu non aliam sic admitturā curationem, qvā qvæ ut in aliis recensitum observatōnibus est, acu perfici potuit, cujus beneficio humoris aquei nimium collecti emissio, & sic tunicarum subsidentia qvidem fieret, sed in neutro auxilium desideratum reperibile; si qvidem sic humoris aquei affluxus brevi restitutus fuisset, & jam paululum pro emissi humoris aquei modulo subsidentes oculorum tunicæ pristinam dilatationem præternaturalem denuò obtinuissent, & peperissent indefinenter recidivam, qvem humoris aquei emittendi actum acus beneficio toties repetitum in tali casu maxima parte sine successu debito recenset *Nuckius cit. lib. p. 123.* Et qvanquam celeberrimo *Nuckio* post qvinqvies repetitam humoris aquei emissionem id feliciter cessit, ut oculus toties acu pertusus non ad primam præternaturalem magnitudinem excresceret, cum iteratâ toties emissionem dicti humoris id impediretur, & tandem desideratam eam ab illo ultimo pertusionis tempore (qvō per immissum tubulum subtiliorem sugendo humoris aquei copia imminuta erat) servaret, ne tamen magnitudinem recidivam jam to-

ties repetitam denuò repeteret oculus toties pertusus, laminam plumbeam tali in casu optimò consiliò vocavit in auxilium, & eà intra palpebras ad superficiem oculi affecti aptata præservabat ab ulteriori recidivâ, usque dum oculo artificiali imposito licet non visui, qvì prorsus deficiebat, deformitati tamen aliquantulum consuleret.

Ut autem inductam hydrophthalmiam ad talem statum pervenire non permetterem, cum & unicuique ægræ & Parentum ejus votum esset, meum pariter, consilium eò vergeret, ut interciperetur incipiens hydrophthalia. Hinc pro circumstantiarum in præsentī casu ratione de alia curandi methodo ut cogitarem, ipsa suadebat ratio; Hæc igitur me monens, omnes ut ponderarem circumstantias, humoris qvòq; aquei affluxum qvotidiè majorem fieri & oculorum tunicas qvotidiè magis laxari effectu manifesto probabat, dum ad pisi majoris magnitudinem properare cernebatur tuberculum; Hinc qvoties ad humoris aquei affluxum solitò majorem attendebam, toties facilis qvīdem beneficiò acus instituenda ejus emissio se spontè commendabat, ejusque eductio eò faciliior erat, qvò tam certa, qvàm qvòd certissima ejus erat restitutio, & sine succi chelidonii usu ad methodum *Burrhianam*, & sine ulmæ succo juxta methodum *Heerianam*, & sine alio qvòcunqve auxilio, & optandum esset, ut crystallini vitreiq; humoris restitutio tam probabilis modo esset, qvàm aquei humoris certa est, & qvantæne omnium humorum restitutiones fierent, & qvanta non inde securitas aut superbia mortalibus eveniret, cum & vitreum & crystallinum restitui humorem cum
aqueo

aqueo certissima non doctrina modo, sed idem certissimum experimentum esset; Ast ut *Burrhus* suâ spe aut arte defecit, ita nec *Liddellii* experimentum pro vitrei humoris restitutione per ovi albumen sufficebat, nec *Kerkringii* in suo specilegio Anatomico celebrata, pro restitutione humoris & crySTALLINI & vitrei ars, ab incertitudine libera erat, ut non sine fundamento cum admiraretur quidem eruditus orbis, nescius tamen erat, & adhuc est, quâ ratione illud possibile esset.

Et licet quoque omnium humorum æque facilis restitutio esset, ac ejus est cum humore aqueo, & emitterentur hinc sive omnes simul, sive tantum aqueus, nondum tamen inde auxilium desideratum multo minus certum in hydrophthalmiâ interceptiendâ sperandum erat, cum & tunicae laxitas aut deficere simul, aut simul inhiberi deberet, cujus neutrum tamen per humoris aquei abundantis emissionem obtineri cum, posset, ego rem simul ita concipiebam, quod nec solus humor aqueus hydrophthalmiam inducat, sed & tunicae suâ laxitate inductâ simul concurrant, & sic ad minimum causæ sociæ habendæ sint, & socialitate inseparabili ut hydrophthalmiam constituent, ita quoque eadem societas sint tollendæ.

Nam id mihi tenendum videtur, quod oculorum tunicae sint causæ modificantes humoris aquei affluxum per ductus aqueos naturalem; dum ductus aquei intra corneam tunicam demissi, & iridis fibrillas aggressi, inter illas post varios formatos anfractus suis ostiis humiorem aqueum in oculi cavitatem destillant, quò situ modificatio hujus humoris aquei per tunicas oculorum satis apparet. Præterea cum nondum demonstratum

stratum sit, an ductus indigitati aqvosi ad aliorum va-
forum lymphaticorum texturæ indolem valvulis gau-
deant, an non? & si iis quoque gauderent, non tamen
inde aqvei humoris in affluxu naturali modificatio
deduci possit; Sed quæ ductuum horum ostia ambi-
unt, istæ partes sphincteris loco sunt numerandæ, &
ejus in cavum oculi defluxum determinant, quæ quid
sic suo situ indigitatæ oculorum tunicæ uvea scil. &
cornea efficiunt. Unde laxitatem tunicarum indu-
ctam, sive ea ex causâ externâ violentâ, ut â gravi quo-
dam ictu, sive ab eâdem internâ ut ex prægressâ gravi
ophthalmiâ oriatur, humoris aqvei affluxui præcede-
re debere omninò certissimum est.

Et hæc circumstantia circa Hydrophthalmiæ
ortum manifestissima meas pro curationis scopo institu-
tas meditationes dirigebat, ut ad tunicarum inductam
laxitatem corrigendam magis attenderem quàm ad au-
ctum humoris aqvei affluxum, cum affectus in per-
fectam nondum abierit hydrophthalmiâ, ut ab ejus
collectâ copiâ tunicæ nimium jam distentæ essent;
unde etiam ejus emissionem beneficio acus instituen-
dam intermittebam, potissimum cum non levis esset
metus, ne sub illo depletionis aqvei humoris mo-
mento jam tum laxæ tunicæ flaccidiores evadentes
eò momentò minorem ferrent resistentiam, & sic istæ
ansam pro affluxu humoris aqvei copiosiori darent, &
adhuc majus brevi hæc morâ parerent tuberculum, ad
perfectam & consummatam eò citius properans Hy-
drophthalmiâ. Unde nonnisi de remediis, quibus
tunicarum tacta laxitas & corrigi & tolli posset, se-
riò cogitabam.

Primas igitur manus pro hoc scopo auxilia-
trices mihi porrigere quidem videbatur fonsPhar-
maceuticus, isqve etiam & ægræ & mihi eò magis
amicus gratusqve fuisset, cum non tanto hic o-
pus est apparatu, nec facile tot intercurrunt mole-
stia, ac qvando è chirurgico agi debet fonte; Et
videbantur adstringentia præcipua, aut ut recti-
us loqvar, unica esse laxitatem tunicarum cohi-
bentia remedia; sed tantum aberat, ut ex usu
eorum interno effectus pro oculi tunicis expectari
potuisset, ut potius ventriculo & reliquis viis pri-
mis fuissent nociva, & interim ad partem affe-
ctam nulla secuta efficacia, quemadmodum nec a-
lia interna pro evacuatione aut correctione humo-
rum præscribebam, cum excepto hoc hydrophthal-
mico turberculo cæteroquin sana esset. Externè
autem adhibita adstringentia effectum eò majorem
certioremqve hoc in casu vel ex eò promittere vi-
debantur, cum tunicas laxatas attingere propius,
sicque successum desideratum inducere valerent; Sed
illicò & hic impedimentum omni exceptione ma-
jus se manifestabat, quò nec ab adstringentibus ex-
ternè adhibitis successus præsumi, multò minus spe-
rari poterat.

Nam è canaliculis in glandulosos minimos
acinos convolutis potissimum superiorem palpe-
bram ambientibus per ostia ductuum Meibomia-
norum per tarsos hiantium affluens ad oculi glo-
bum lympa, qvæ & elegantem oculi splendo-
rem ejusqve motum servat facilem, & post aliam
ordine continuo & sine morâ succedaneam eandem

D

lym-

lympham à punctulis lacrymalibus resorbetur; instar indefinentis fluenti est, quæ sic appositis adstringentibus attactum oculi immediatum non interdicat tantum, sed etiam secum ea removet, unde pro tunicis à laxitate liberandis nulla ab adstringentibus efficacia, noxa autem eò major pro palpebris & carunculâ lacrymali metuenda fuisset; dum inde & tumidæ, & rubentes, & lacrymantes palpebræ evasissent, & caruncula lacrymalis & puncta duo lacrymalia angustata, lacrymarum ad nares profluxum sic impedivissent, & genam ab iis servassent aut madidam, aut si lacrymæ adstringentium externo usu fuissent impeditæ, non inane periculum fuisset enatum, anne ductus aquosi sic inde gravati plus ejus humoris pro hydrophthalmiæ augmento eructassent. Nec erat, ut syringarum ope adstringentia tuberculo hydrophthalmiam parienti applicarentur; Nam licet eâ methodo eorum accessus ad tunicas magis propior fieri videri potuisset, cum tamen nulla vis aut efficacia in instanti fieri queat, hinc eorundem eadem facilis resilitio ut fieret, necesse erat, ut facilis appulsus fuisset factus. Sic adstringentia fuissent & ausu frustraneo appulsa, & insuper ad ulteriorem magisque nocivam tunicarum subsecuturam laxitatem certissimum dedissent omen, & peperissent effectum sic insignis Hydrophthalmiæ ex violentiâ per syringam inductâ insigni subsecuturæ indubitatissimum.

Unde missis remediis Pharmaceuticis ad fontem recurrebam Chirurgicum, & cum inde
pete-

peterem remedia, advertebam, laxitatem tuni-
 carum oculi omnium maximè & certissimè cor-
 rigi posse, si per inductam cicatricem id fieri lice-
 ret. Ad quam sententiam vel ideò inducebar,
 cum quotidiè id in iis experiamur, qvi cicatri-
 ces notabiles gerunt, qvò præ aliis à cicatrice im-
 munibus locis fibrarum abbreviatio & sic notabi-
 lior angustia in parte cicatrifata reperiatur. Hinc qvò magis id ruminabar, eò majorem pro
 laxitate tunicarum oculi ad hydrophthalmiam,
 properantium per cicatricem tollendâ obtinebam
 & sententiæ & consilii mei confirmationem. In
 cicatrice igitur huic tuberculo oculi inducendâ
 omnem curationis spem & successum certissimum
 ponebam, sed ut porrò cicatrix non nisi per vul-
 nus obtinetur, ita & in oculo Virginis Genero-
 fissimæ vulnus ex instituto prius parandum esse,
 erat inevitabile cicatricis antecedens, & tanquam
 unicum pro obtinendâ cicatrice felici & sic inter-
 cipiendâ per eam hydrophthalmiâ certissimum
 auxilium. Interim dum hæc ita meditabar, &
 rationis trutinâ sæpius & iteratò examinata pro
 executione concludebam, tantum simul aberat,
 ut & hæc sententia ab aliis difficultatibus mane-
 ret libera, ut potius non levibus stipata difficulta-
 tibus ac sociata periculis se simul manifestaret.
 Inter eas prior erat non levis difficultas, qvò
 licet providâ manu vulnus institui deberet, fa-
 cilè tamen præter intentionem & necessitatem
 vulnus aut majus, aut profundius fieri posset, cum
 ægra aut præ timiditate, aut ferendi impatientiâ

oculi situm mutaret, & simul chirurgi manum redderet dubiam, nam oculi unius ad alterius oculi motum idem facilis motus est. Posterior immediate succedanea post vulnus inflictum erat difficultas, quod post providè & circumspectè inflictum vulnus nihilominus tuberculi protuberantia adhuc major evitari non posset, nam cum tunicae oculorum extimæ adnatæ fibræ per vulnus jam divisæ & separatæ non amplius resisterent, hæc vulnus excipiens major tuberculi protuberantia ad hydrophthalmiæ augmentum majus ansam datura esset inevitabilem.

Verum enim verò, quamvis necessitas tot difficultatibus & periculis sociata durum semper telum sit, ejus tamen quoque indolis reperitur, ut & circumspectos sive deat actus, & cum circumspeditione susceptos eos admittat etiam felices. Hinc ut utrique consulerem difficultati, præmissâ ad ægram omnium difficultatum demonstratione desiderabam, ut masculè & sine oculi concessio motu vulnus sustineret infligendum.

Ad repetitam igitur ab ægra fidem, omnia patienter ferendi, quæ ad ejus ab hydrophthalmiâ liberationem facere possent, provido & maturò consilio ordinata operatio Chirurgi Rostochiensis Marci Gühlii, non infimi & circumspecti providâ perficiebatur manu, cum ægra sellæ insidens situm oculi desideratum servaret, & constantem & debitum, cum eo adminiculo, quod in cataracta removenda solet observari. Et sic palpebris oculi
meæ

meæ digitis manus diductis lanceolæ acie in ipsum tuberculum vulnus infligebatur, usque ad corneam in cornu indeclinabilis formam & duritiem elevatum. Fieri id haud poterat, quin, quod jam ante institutam mentis acie prævidebam operationem, inflictum vulnus illicò exciperet major tuberculi protuberantia, ad instar cornu diaphani; id cum adverteret chirurgus, curiositate excitatus forcipe subtili quam vocant: Die subtilste Korn-Zange / tuberculum levissimè tangebatur, ut ejus duritiem experiretur, sed quam provide tangebatur, nihilominus ægra se ad hunc contactum, si major fieret non aliter sensuram esse, ac si integer oculus cum integumentis ex imo fundo eradici deberet, palam profitebatur.

Chirurgi igitur manum curiosam de tabula & potius vulnere remedia convenientia instillari jubebam. Quæ VIR PER ILLUSTRIS in boni publici utilitatem hodiè non reticebo, sed dicam, ea ingenue, & aperiam ulteriorem curandi methodum debite. Quamprimum sic vulnus è consilio in ipsum tuberculum inflictum erat, illicò ope penicilli largâ copiâ imittebam Tincturam è vitriolo Martis, & saccharo Saturni cum Spiritu vini paratam; & quanquam hæce in officinis tinctura audiatur antiphthisica, ut ut Phthisin minus curet, me tamen nomen huic rei planè aliàs inconueniens non deterrebat, sed vis, quam habet adstringentem, & simul ob saccharum Saturni ab inflammatione præservantem, me ut eam potissimum eligerem, com-

movebat, & effectus pro inflammatione cohibenda per hocce medicamentum eò felicior erat, cum tantillum camphoræ huic compositioni mea ex ordinatione jungeretur. Elui igitur vulnus penicillô hâc tincturâ madidô frequentius, & insuper linteum carptum vulgò Corpen eâ madidum vulneri imponi jubebam, cum superimpositâ ad superficiem oculi affecti intra palpebras aptatâ laminulâ plumbeâ, & totum oculum postea linteo multis vicibus complicato, quod germanicè *Eine compresse* vocant, eoqve collyrio ex croco metallorum cum aquâ chelidonii sief albo, opio, saccharo saturni, & camphora parato, madido tegebam, additis, prout decet, debitis oculi subligaculis.

Hac methodo oculi vulnus ex consilio institutum postea quotidiè bis deligabatur, eò felici successu, ut initiò post vulnus magis protuberans tuberculum post aliquot dies imminui inciperet, quô visô insitebam eâdem methodo, usque dum vix tuberculi vestigium appareret, sic axungiam viperinam vulneri bis in die inungi curabam, cum superimpositâ laminâ plumbeâ: Et quamprimum consolidationis initia in vulnere advertebam, remissa subinde laminâ plumbeâ sub usu frequenti axungiae viperinae solo linteo complicato collyrio supra descripto madido deligari jubebam, ut modo oculus magis quiesceret, nec ad quemvis aliàs celerem motum ejusque perennitatem adeò facilis esset, & factum per DEI gratiam

tiam est , ut cicatrice apparente tuberculum hydrophthalmicum prorsus dispareret , & cicatrice absolutâ ne minima ejus vestigia reperiri possent, & oculi formositate & visu inoffenso servatis , ita ut isto in oculo nihil desiderari , nec ulla adverti læsio possit , nisi cicatricula per inferiorem palpebram deorsum versus retractam aut fili serici , aut lineolæ subtili calamo ductæ instar demum apparens ferè post quinquennium sine omni mutatione adhuc hodiè conspiciatur.

Quis quæso hoc rerum felici successu magis gaudere poterat quàm de oculi sui formositate, & visu sollicita jam præservata ægra Generosissima, & cum eâ ipsius solliciti Parentes ? Ego autem mihi gratulabar de dati consilii successu felici, quod in casu tam difficili Theoriam praxis confirmaverit , & quod hac simplici curandi methodo hydrophthalmia felicissimè sit intercepta.

Atque sic VIR PER-ILLUSTRIS & EXCELLENTISSIME in Generosissimâ Virgine HYDROPHTHALMIÆ INTERCEPTÆ integram & historiam & ejus curationem fideliter recensui, & eam ut aut non planè inutilem , aut non planè quotidianam boni publici causâ Tibi æqvissimo rerum tum Physicarum , tum Medicarum, Æstimatori, & Regiæ societatis scientiarum Prussicæ Præsidi dignissimo consecro ; Et cum reapse jam expertus sum, majore me affectu à Te diligi , quàm vel credideram unquam , vel ingenii mei mereri potuit tenuitas, gratiam me Tibi maximam & habere

bere & debere hisce profiteor, & Tuæ ulteriori benignitati atque favori & me & Respondentem meum e Fratre meo nepotem charissimum, eâ, quâ par est, humanitate & omni meliori modo commendando; qui ad exteros abituriens simul mei causâ præsentem hanc dissertationem Epistolicam eâ, quâ fas est, veneratione Tibi offeret, & coram & meo & suo nomine declarabit, quod nos uterque meritorum tuorum memoriam religiosè simus conservaturi, nec passuri unquam, ut & benevolentiae & observantiae studiis judicemur posteriores.

Quod superest, VIR PER-ILLUSTRIS, sospitet Te summum Numen, & perenni beet felicitate, quod animitus voyet.

Per-Illustris & Excellentissimi
Tui Nominis.

Dabam Rostochii
d. 16. Aug. 1713.

Cultor Sincerus

JOH. ERNESTUS SCHAPER.